



23 Oktober 2025

Geagte ouers en voogde

GRAAD 8'S 2026

Dit is vir ons by Hoërskool Oos-Moot 'n groot voorreg dat u, u kind by ons ingeskryf het vir Graad 8 in 2026. Ons sien werklik daarna uit om die nuwe groep jong **OOSIES** by ons skool te verwelkom en deel te maak van die **BLOU GOLF**.

Ons is bewus daarvan dat die plasingstydperk vir baie ouers 'n tyd van spanning en wag kan wees. Die Departement van Onderwys is tans besig om leerders te plaas en stuur **weekliks** uitnodigings aan ouers uit. Die proses neem egter 'n paar weke om af te handel, en nie almal ontvang hul uitnodigings op dieselfde tyd nie. Hulle plaas die leerders die naaste aan die skool eerste.

Ons wil u dus gerusstel dat u nie alleen wag nie — baie ouers is in dieselfde situasie. Intussen vra ons u om asseblief geduldig te bly terwyl die departement hul plasingproses voltooi. Indien u enige vrae het of onseker is oor u kind se aansoek, is u baie welkom om Francis Gratz te kontak by admin@oos-moot.co.za. Ons sal u graag bystaan waar ons kan.

Ons nooi u ook vriendelik uit om gereeld ons skool se nuusbrief op ons [webwerf](#) te lees. Daar word deurlopend belangrike inligting gedeel, veral vir ouers en leerders wat volgende jaar in Graad 8 begin. U sal daar op hoogte bly van aankondigings, datums en voorbereidings vir die nuwe jaar.

Baie dankie vir u begrip, geduld en entoesiasme. Ons sien met groot verwagting daarna uit om u kind binnekort as 'n trotse **OOSIE** te verwelkom!

Vriendelike groete

Me S Theron
HOOF



VIR ONS GRAAD 8'S VAN 2026

Welkom! Hierdie deel van die nuusbrief is spesiaal vir jou en jou ouers. Hier deel ons al die belangrike nuus, datums en inligting deel wat vir 2026 vir julle van belang is.

BEKENDSTELLINGSdag, SWEMINTERHUIS EN AVONTUURKAMP

Bekendstellingsdag – 12 Januarie

Die Matriekraad (MR) sien daarna uit om jou in Oosieland te verwelkom!

Datum : 13 Januarie 2026
12 Januarie 2026

Program vir die dag

08:00 : Graad 8's ontmoet MR
09:00 – 11:00 : Aktiwiteite
11:00 – 11:30 : Pouse
11:30 – 14:00 : Aktiwiteite
14:00 : Graad 8's verdaag huis toe

Graad 8 sweminterhuis – 13 Januarie

Oosie jy skop jou hoërskoolreis op 13 Januarie af met die sweminterhuis. Bring jou swembroek, jou energie en kom wys ons wat jy in die water kan doen!

Program vir die dag:

08:00 : Meld aan by die skool
09:00 : Stap saam met MR na die Tjaart van Vuuren swembad
09:30 – 12:00 : Swemuitdunne
13:00 : Verdaag huis toe vanaf die skool.

Avontuurkamp – 14 tot 16 Januarie



'n Graad 8-avontuurkamp word vir ons leerders gehou om hul inskakeling by die skool te vergemaklik. Ons wil graag dat AL die graad 8-leerders die kamp bywoon.

Teken solank die datum aan!

Datum : 14 tot 16 Januarie 2026

'n Skrywe met volledige inligting en kostes sal binnekort beskikbaar wees.

SKRYFBEHOEFTEs EN TASSE

Graad 8 skryfbehoeftepakette

Jy kan nie jou skooljaar sonder jou skryfbehoeftes begin nie!



Jy is welkom om self jou skryfbehoeftes aan te skaf volgens die lys wat in **Aanhangsel A** voorsien word, **óf** jy kan die volledige **skryfbehoeftepakket**

direk by die skool aankoop teen **R730**.

Rig navrae aan: krediteure@oos-moot.co.za

Tasse



- Ons leerders ontvang elke jaar GRATIS handboeke, op 'n uitleenbasis, by die skool.
- Om te verseker dat die handboeke in 'n goeie toestand bly vir die komende jare se leerders, word leerders volgens die skoolreëls verplig om 'n skooltas **met afskortings (4+ afskortings)** te hê.
- **Geen sleep-/wieletjietasse nie.**

Let wel: Die graad 8-leerders het 'n groot aantal handboeke. Die tasse is beskikbaar by ons skoolklereverskaffers.

SKOOLDRAG

Oosie Winkel



Hoërskool Oos-Moot beskik oor 'n eie klerewinkel waar alle amptelike skooldrag teen kompeterende pryse beskikbaar is. **Katalogus en pryslys** is op die webwerf beskikbaar.

Rig navrae aan: oosiewinkel@oos-moot.co.za

Klerebank

Die skool se klerebank is daar om ons Oosie-familie te ondersteun en bied kwaliteit tweedehandse skooldrag teen bekostigbare pryse. Die winkel is in die skoolgebou geleë en word **ná skoolure** deur 'n personeellid bestuur.

Skenkings

Ons voorraad word met dank aangevul deur skenkings van matrikulante en leerders wat die skool verlaat.

Wat bied ons?

- Skoolklere (soos beskikbaar) vir mindergegoede leerders
- Tweedehandse skoolklere teen billike pryse

★ Belangrike inligting

- Geen klere word geruil of geleen nie
- Leerders moet verkieslik teenwoordig wees tydens aankope

- Geen verkope tydens skoolure nie
 - Indien gesluit, word leerders per afkondiging ingelig
- Kontak ons:**
Vir navrae of om 'n afspraak buite gewone ure te reël, stuur 'n e-pos na: ✉ klerebank@oos-moot.co.za

SKOOLFONDS 2026



Die skoolfonds vir 2026 sal teen **12 November 2025** bepaal wees en daarna in die nuusbriëf uiteengesit word.

Ouers wat nou reeds skoolfonds wil betaal, kan navrae rig aan finansies@oos-moot.co.za

SPORT -VOORSEISOEN

Graad 8-Oosies van 2026 – dis julle kans! Ons nuwe Graad 8's word uitgedaag om vroeg reeds deel te word van die aksie!

Sluit aan by ons voorseisoenoefeninge vir atletiek, netbal en rugby, ens. – kom wys wat in julle steek, ontmoet nuwe vriende en begin bou aan daardie ware Oosie-gees!

Atletiek



Kom oefen GRATIS saam! Die oefentype is by hierdie [skakel](#) beskikbaar. Vir navrae kontak: ✉ Mnr HJ van Aswegen – atletiek@oos-moot.co.za

Rugby

Na 'n uitstekende 2025 seisoen sien ons uit jul by ons voorseisoenoefening te ontmoet. **Oefening begin op 28 Oktober 2025.**



Dag	Tyd	Plek
Dinsdag	16:30 – 17:30	Oos-Moot sportveld
Donderdag	16:30 – 17:30	Oos-Moot sportveld

Bring verkieslik jou tokse – maar kaalvoet is ook welkom!

Rig navrae aan sport@oos-moot.co.za.

Netbal



Die netbal het 'n ongelooflike jaar beleef met baie uitstaande prestasies. Graad 8's vir 2026 kom skakel in by ons netbal voorseisoen. **Oefening begin op 28 Oktober 2025.**

Dag	Tyd	Plek
Dinsdag	14:30 – 16:00	Oos-Moot sportveld
Donderdag	15:30 – 17:00	Oos-Moot sportveld

Rig navrae aan: netbal@oos-moot.co.za

Hokkie

2026 graad **8-seuns en –dogters!**
Stel jy belang om hokkie te speel?
Kom oefen nou reeds saam met ons afrigters op ons astro.



Oefentype

Dag	Tyd	Plek
Dinsdae	17:00 – 18:30	Oos-Moot astro

Rig navrae aan hokkie@oos-moot.co.za.

Tennis



Graad 8's 2026 kom neem deel aan ons tennis rondomtalie van **1 tot 5 Desember!**

Hou gerus die spasie dop – meer inligting volg binnekort!

Rig navrae aan: tennis@oos-moot.co.za

SLUITKASTE (“Lockers”)

Die skool het sluitkaste (vir boeke of vir sport) vir ons leerders.



Die graad 8's sal in **Januarie 2026** die geleentheid kry om sluitkaste te bespreek en te betaal.

SKRYFBEHOEFTELYS – 2026

ALGEMENE SKRYFBEHOEFTE:

1 x 'n Behoorlike sterk, stewige skooltas met versterkte afskortings. (GEEN rugsakke sonder afskortings mag as skooltas gebruik word nie)

1 x Pritt gom

1 x stel Highlighters / Glimpenne (6 kleure)

1 x Skêr

1 x Swart pen

4 x Blou penne

2 x Gewone HB-potlode

1 x Skerpmaker

1 x Uitveër

1 x Pakkie kleurpotlode

1 x 30cm Liniaal

Papier en plastiek om handboeke en skrifte oor te trek

1 x Eksamenblok met gaatjies (lyne)

GRAAD 8 – Die graad 8-skrifbehoeftepakket (werkboeke uitgesluit) kan by die skool se finansieskantoor aangekoop word teen R730 per pakket.

VAK	SKRYFBEHOEFTE	PRYS EN PROJEKKODES
Afrikaans Huistaal	1 x 192 bl. hardeband skrif 1 x A5 skrif Moet asb. nie skrifte oortrek nie.	
English First Additional Language	1 x 288 bl. hardeband skrif met lyne 1 x plastieksakkie vir notas (wat vasknip)	
Wiskunde	2 x 196 bl. Hardeband skrifte met lyne 1 x 30 bl. Flip File vir notas 1 x Helix Oxford meetkunde stel	
Wiskunde vaardighede	1 x A4 portefeuljelêer	
Lewensoriëntering	LO Werkboek	R120 P420Naam+Van
Natuurwetenskappe	Glimpenne/ kleurpotlode Sakrekenaar Portefeuljelêer	
Ekonomiese en Bestuurswetenskappe	1 x 72 bl. Skrif EBW Werkboek	R120 P409Naam+Van
Kuns en Kultuur	Grafietpotlode (HB, 2B) Kniebare uitveër Stel inkleurpotlode Skerpmaker	
Sosiale Wetenskappe	2 x 72 bl. skrifte	
Tegnologie	2 x 72 bl. skrifte	
Ingenieursgrafika en ontwerp	1 x Helix Oxford meetkunde stel (sien Wiskunde) 1 x Flip File (20 sakkies)	
Gasvryheidstudies	1 x 72 bl. Skrif	

	Gasvryheidstudie werkboek 'n VOORSKOOT en HOED word benodig vir Graad 8. Dit word gebruik tot Graad 12 tydens praktiese. (Meer inigting rakende die aankoop en koste van die koksdrag sal nader aan die tyd deurgegee word.) 'n Sponsie, skuurdraad en twee vadoeke word benodig vir skottelgoed tydens praktiese. Dit word sterk aanbeveel dat 'n groot genoeg plastiekkraat aangekoop word om dié benodighede in te vervoer tydens praktiese sessies (foto langsaan).	R120 P425Naam+Van Plastiekkraat beskikbaar by o.a. Plastilon
--	--	--